Москву на в тое реки, и от того времени нача тои град распространятися славою и величестьом во вся страны иноязычныя, а великии князь Иоанн Даниловичь бысть мал и млад, детское пребывание; по смерти дяди своегобысть великии князь московскии.

Како в новопечатном летописце о митрополите Максиме московском написано: в лето 6791 первым митрополитом. Только тои митрополит благослови великого князя Андрея Александровича суздальскаго поставити град, где ныне есть град Москва, а поставлен бысть в Володимер и преставися в Володимер же, и погребен бысть в соборные церкви. А в руских древних летописцех о сем написано: поставлен бысть святым Афонасием патриархом цареградцким Петр митрополит в Володимер град, и Петр митрополит благослови великаго князя Иоанна Даниловича поставити велии град Москву от древия, и по сем распростра нися, и про- 4. 223. славися во всю вселенную. А Петр митрополит иде из Владимера града к Москве в лето 6816, марта в 22 день, а не Максим митрополит грек. А во псалтири печатнои новоисправнои в подлиннике напечано: прииде Петр митрополит из Владимера града к Москве в лето 6816, тут на Москве и преставися, а на Москве бысть митрополитом 18 лет; а о том о всем изобрано о начале Москвы подробну впреди и от жития Петра

митрополита и о всем тако да есть писано.²

Выписано ис печатнаго Анфологион, сииречь Цветослов или Трифо- л. 223 облог, напечатан в лето 7159 в десть, от жития Петра митрополита московскаго. Прииде ж божии человек в славныи град Москву Петр митрополит из Владимира, владеющу в нем благоверному великому князю Иоанну Даниловичю, всякими добрыми делы украшену, милостиву до нищих, священником и церквам любочестиву, святых писанию послушателю, и зело возлюби его божии святитель, и нача болше инех мест в том граде жити, повеле ж благоверному князю поставити церковь каменну во имя пречистыя владычицы нашея богородицы и приснодевы Марии, рек сице: яко аще мене послушаещи и храм пречистеи богородицы воздвигнеши — и сам прославищися и паче инех князеи, и град славен будет, и святители поживут в нем, и взыдут руки его на плещи врагом его, и бог прославится в нем. Князь же со тщанием прилежа о церкве. Основанне же бывши день от дне воздвизашесь и сам святыи прилежа на всяк день спешити. И проуведев же святыи свои исход божиим откровением, своима рукама себе гроб сотвори близ жертовника. По совершении же гроба бысть ему паки извещение от бога о смерти его и весь радости исполнися, и иде сам в церковь, и божественную службу соверши, помолився о всех православных и святых таин причастися. Пришед от церкве и призва весь причет, и поучив по обычаю, и отпусти их, и от того часа непреста милостыню твори всем приходящим. И яко уже и час уведа отшествия своего, призва Протасия стареишину града, князю во граде не сущу, и рече ему: чадо, и аз отхожу жития сего, оставляю же сыну возлюбленному князю Иоанну милость и мир, и благословение от бога, и семени его, до века; и иная изрек завещания всем вкупе мир дав, начат вечерню пети, и еще молитву сущи во устех его, душа его отиде ко господу.

А не Максим митрополит благослови, по житию Петра митрополита,

и ево благословение Москве бысть о начале.

(ГИМ, Забел. 261, лл. 221—223 об.)

в В ркп. на написано дважды. ¹ Далее в ркп. стоит крест и на поле: Сего знамени ищи на друго страницы. Ниже этой пометки помещены не относящиеся к публи-куемому тексту известия 1296 г. Затем, со следующей страницы, после креста на поле, идет продолжение текста. А Далее в ркп. зачеркнуто в нем.